

Tharaka - Eekûrû Maandîko Maatheru - Wives Scriptures

AEbeeso 5:22-24 Eekûrû, ïnyithagieni kîrî arûme beenu ta bûra bwînyithagia kîrî Mwathani. 23 N'ûntû mûrûme n'we Kîongo kîa mwekûrû wake ta bûra Kîrîstû arî Kîongo gîa kanica. Kanica i mwîrî wa Kîrîstû, Mwonokia wa uu. 24 Ta bûra kanica ïnyithagia kîrî Kîrîstû, i ta bu eekûrû babatîrue beenyitha kîrî arûme baao mantûuni monthe.

AEbeeso 5:31,33 Ta bûra kwandîkîtwe Maandîkooni Maatheru, "N'ûntû bwa gîtûmi gîku muntû mûrûme agaatiga îthe na gina, agwatithanue na mwekûrû wake, na barî baîrî batuîke mwîrî ûmwe." 33 Kwoogu wakîra ûmwe wacienu nabatîrue eenda mwekûrû wake ta bûra eebendeete wengwa. Mwekûrû n'we nabatîrue atîiya mûrûme wake.

1 AKorintho 7:3-5 Mûrûme nabatîrue aingîria mûka wake thînna ciale. Na mûka n'we nabatîrue aingîria mûrûme wake thînna ciale. 4 Mûka atirî na watho bwa kûrûtha wabûra akeenda na mwîrî wake, i mûrûme wake arî na watho bûbu. Na mûrûme atirî na watho bwa kûrûtha wabûra akeenda na mwîrî wake, i mûka wake arî na watho bûbu. 5 Gûtikaagîte we aregeera ûra ûngî, nwanga bûgwananîrîte bûkarûngamîira aniini kaingo bûromba Ngai bûtarî na ûntû bûngî. Bwarîkia bûbatîrue bûcookanîira kaîrî, kaingo Saitaani atabûgeria n'ûntû bwa kwaga inya ya gwota wîrirîria bwa mîrî.

1 AKorintho 7:34 Mantû i maîrî. Na mûka ûra atarî na mûrûme kana mwarî ûra atakûrî akûgûrwa eegagua akîrutîra Mwathani ngûgî rîonthe. Aûmagia akara arî ûmûtheru kîmwîrî na gînkoro. Îndî mûka ûra mûgûre eegagua arî na ngûgî cia kîînthîgûrû cia kûruta, agîcûûgia gûkenia mûrûme wake.

AKorosai 3:18 Biû eekûrû, ïnyithagieni kîrî arûme beenu n'ûntû i bu kwagîrîte kîrî bara beetîgîtie Mwathani.

1 Timotheo 2:11-15 Aka babatîrue beerutanaga mantû kanicaani bakiri na beenyîtie mûno. 12 Ntigwîtîgîria mûka arutana kana eegua arî na watho îgûrû rîa muntû mûrûme. Abatîrue akaraga akiri. 13 Gîtûmi n'atî, Andamu n'we aûmbirwe mbere rîru Awa aûmbwa. 14 Na kaîrî Andamu t'we eeneerue. I mûka eeneerue auna watho bwa Ngai. 15 Îndî amwe na ûgu, mûka ûra akaamenyagîira twana twake, na athi na mbere kûûmîria ndeni ya wîtîgio, wendo, ûtheru bwa nkoro, na nthoni akaingia wonokio bwake.

Genesis 3:16 - 1 Petûrû 3:1-6 Naabi eekûrû, ïnyithagieni kîrî arûme beenu. Ûkaaya kwîgua kûrî we mûrûme wake ateetîgîtie kiugo kîa Ngai, woû ûrî mwekûrû mûkarîre waku wa kîngai waûmba kûmûkuuyia agatuîka wa Kîrîstû. Mûrûme waku nwa agarûke kinya ûtaarîtie n'we, 2 oona bûra ûgûtîiya Ngai mûtûûrîreeni waku ûmûtheru. 3 Ûtikeegue kwîgemia kwenu

kûrî kwa ome gunka--bûcukaga ntundu, bwîgemagia na tunyamû twa goro na bwîkagîra nguo cia goro akî. 4 Ûthongi bwenu bûbatîrue bwîgua bûrî ûthongi bwa gînkoro bûra bûtoonekaga na meetho. Bu n'ûthongi bwa kuumania na kîrundu kîa ûbooreeru, kîrundu gîa ûkirîria. Bu bûtithiraga rî kana rî na kîrî Ngai bûrî gîtûmi kînene mûno. 5 Wana eekûrû ba tene bara baarî baatheru i bu beethongamagia ûgu. Baarî eekûrû beenyithagia kîrî arûme baaao na wîrîgîro bwao bwarî kîrî Ngai. 6 Kwa ngerekano, kûringana na bûra Saara aathîkagîra Îburaîmu bûgana, aamwîtaga mûnene wake. Kwoogu biû eekûrû, weegua bûkaarûthaga mantû meega gûtarî kîo bûgûkuthûka, ûkeegua bûrî aarî ba Saara.

Tito 2:1-5 Îndî woû, rutanaga antû mantû mara makûgwatanîra na ûrutani bwa mma. 2 Ïraga akûrû beemenyagîre, bathûgaanagie bwega na beegue barî ûûme. Nwa mwanka barkie wîtîgio, wendo, na kûûmîria. 3 Ïra kinya eekûrû bara bakûrû wana bo bakarage rîonthe barî eekûrû ba mîkarîre îmîtheru. Na ti bakaraga bagîtuuyanagîra ûrongo kana beegua barî nkombo cia ncoobi. Nwa mwanka kinya bo barutanage mantû meega, 4 i kaingo baûmba gûtûma eekûrû bara beethî beendaga arûme baaao na aana baaao. 5 Nwa mwanka beegue barî na ûtombo bûûkûrû, nwa mwanka beegue barî baagîru, nwa mwanka beegue bakîûmba kûruta ngûgî ciao cia mîciî bakînyiagia kîrî arûme baaao kaingo gûtooneka muntû acambia ntûmwa ya Ngai.

1 AKorintho 11:5-7,10 Na mûka ûra arombaga kana aroragia atakunîkîrîte kîongo gîake, atiîgagua agîtîya mûnene wake. Mûka ta ûyu i bûmwe na ûra agiitaga ntundu ciale ikanyiia. 6 Weegua mûka atiikunîkagîra kîongo gîake abatîrue agiitaga ntundu ikanyiia. Îndî na bu n'ûntû bûrî nthoni mûka kûnyiia ntundu kana gûcienja kûrû. Mûka abatîrue akunîkagîra kîongo gîake. 7 Îndî muntû mûrûme atibatîrue akunîkagîra kîongo gîake, n'ûntû we i mûbuanaano na mwago wa Ngai, akari ûgu. Mûka i mwago wa muntû mûrûme. 10 Kwoogu mûka nabatîrue akunîkagîra kîongo gîake n'ûntû bwa araîka, kwonanagia arî wathooni bwa mûrûme wake.

Ngerekano 12:4; 14:1; 19:13; 21:9,19; 25:24; & 27:15,16 - contentious & angry Eekûrû

Ngerekano 31:10-31 - The Virtuous Eekûrû

Pastor T. John Franklin
Church of Salvation, Healing, and Deliverance
COS-HAD.org